



# **COMUN DI CJAMPFUARMIT**

Provincie di Udin

*Plaçâl dal Municipi, 9 - 33030 Cjampfuarmit (P.I. 00485010300 - C.F. 80004790301)*

*telefon 0432/653511 - fax 0432/663581*

# **REGOLAMENT COMUNÂL PE GJESTION DAI REFUDUMS URBANS (PART GJENERÂL)**

Al è stât esaminât de Comission pe Revision dal Statût e dai Regolaments inte sentade dai 06.02.2008.

Al è stât fat bon cu la deliberazion dal Consei Comunâl n. 11 dai 13.02.2008.

# TABELE

## **TITUL I - NORMIS GJENERÂLS**

- Art. 1 - Assunzion dal servizi
- Art. 2 - Ogjet dal servizi e definizons
- Art. 3 - Gjestion dal servizi
- Art. 4 - Areis teritoriâls cuviertis dal servizi
- Art. 5 - Frecuence e orari dal servizi
- Art. 6 - Dovês dal personâl
- Art. 7 - Tipologjie de racuelte
- Art. 8 - Modalitât di esecuzion des pesadis
- Art. 9 - Posizionament dai contignidôrs e lavadis
- Art. 10 - Autorizacion al acès in areis privadis
- Art. 11 - Modalitât di conferiment e oblic di racuelte diferenziade
- Art. 12 - Pulizie des stradis e disvuedament dai cestelins stradai
- Art. 13 - Refudums abandonâts
- Art. 14 - Pulizie dai marcjâts
- Art. 15 - Manifestazions publichis
- Art. 16 - Refudums speciâi
- Art. 17 - Controi e vigilance
- Art. 18 - Cost dal servizi
- Art. 19 - Norme di rinviament
- Art. 20 - Normis di metode in vore

## **TITUL II - ASSIMILAZION PAR CUALITÂT E CUANTITÂT DAI REFUDUMS SPECIÂI NO PERICOLÔS**

- Art. 21 - Criteris di assimilazion
- Art. 22 - Esclusion
- Art. 23 - Assimilazion par cualitât e cuantitât
- Art. 24 - Normis comunis

## **TITUL III - ARTICOLAZION DAL SISTEME DI RACUELTE**

- Art. 25 - Sisteme di racuelte
- Art. 26 - Istituzion dal servizi di racuelte cjase par cjase
- Art. 27 - Centris di racuelte

## **TITUL IV - COMPOSTAÇ DOMESTIC**

- Art. 28 - Dissipline dal compostaç domestic

## **TITUL V - SANZIONS**

- Art. 29 - Violazions des disposizions stabilidis dal Decret Legjislatîf n. 152 dal 2006
- Art. 30 - Violazions al Regolament Comunâl pe gjestion dai refudums urbans

## **TITUL V - DISPOSIZIONS TRANSITORIIS E FINÂLS**

- Art. 31 - Publicitât dal Regolament e dai ats
- Art. 32 - Jentrade in vore dal Regolament

# **TITUL I**

## **NORMIS GJENERÂLS**

### **Art. 1 - Assunzion dal servizi**

Daûr dal Decret Legjislatîf dai 3 di Avrîl dal 2006, n. 152, e modificazions e integrazions seguitivis, de Leç Regionâl n. 30 dal 1987 e modificazions e integrazions seguitivis, e dal Decret dal President de Republiche dai 15/7/2003, n. 254 in materie di refudums sanitaris e dal cimiteri, il Comun di Cjampfuarmit al gjestîs i refudums urbans, che a vegnin recuperâts o smaltîts, e i refudums assimilâts, che a vegnin smaltîts, in regjim di privative.

La fruizion dal servizi di racuelte dai refudums urbans e assimilâts, a escluson de utilizazion dai cestelins colocâts su areis publichis, e je riservade aes utencis che si cjatin intal teritori comunâl.

### **Art. 2 - Ogjet dal servizi e definizions**

La gjestion dai refudums urbans e cjape dentri, daûr dal art. 183, come 1, letare d) dal Decret Legjislatîf dai 3 di Avrîl dal 2006, n. 152, lis fasis di racuelte, di traspuart, di recupar e di smaltiment dai refudums, comprendût il control di chestis operazions.

A son considerâts refudums urbans, daûr dal art. 184 come 2 dal Decret Legjislatîf dai 3 di Avrîl dal 2006, n. 152, lis tipologjiis seguitivis:

- a) i refudums di cjase, ancje se intrigôs, che a vegnin dai locâi e dai lûcs doprâts tant che abitazion civîl;
- b) i refudums no pericolôs che a vegnin dai locâi e dai lûcs destinâts par ûs diferents di chei indicâts inte letare a), e che a son assimilabii ai refudums urbans, cun riferiment aes misuris stabilidis dal Regolament presint, tegnint cont des capacitâts efetivis di racuelte dal servizi public;
- c) i refudums che a vegnin de pulizie des stradis;
- d) i refudums di cualsisei nature o provenience, che a son su lis stradis e lis areis publichis o su lis stradis e lis areis privadis in ogni câs sogjetis a ûs public o su lis spuinis dai cors di aghe o dai lîts lacustris;
- e) i refudums vegjetâi che a vegnin des areis verdis, publichis o privadis, tant che zardins, parcs e areis cimiteriâls;
- f) i refudums che a vegnin des esumazions e des estumulazions, daûr dal Decret dal President de Republiche n. 254 dal 2003, e ancje i altris refudums che a vegnin de ativitât dal cimiteri, ma che a son diviers di chei indicâts aes letaris b), c) e e).

### **Art. 3 - Gjestion dal servizi**

Il Comun al promôf une gjestion dai refudums basade su la cualitât dai servizis ufierts e sul recupar di materiâi e di energjie dai refudums, secont modalitâts che a vegnin impuestadis al miorament continui des prestazions.

Il servizi di gjestion dai refudums al è basât sui principis seguitîfs:

- paritât dai dirits e dai dovês dal utent;
- imparzialitât inte erogazion dal servizi;

- misurazione dei servizi su la base dei referendum prodotti.

Il servizio al ven fatto dal Gestore in una delle forme consentite di Legge, con favore a quello che al garantisce una gestione imprenditoriale basata sui criteri di efficienza, di efficacia, di economicità e di trasparenza.

Intanto contestualmente al Regolamento presente, al termine di "Gestore" si intende il Comune stesso, intanto come gestione in economia, o pure il soggetto terzo che al riceve dal Comune il servizio, su la base del come precedente.

Al di là di questo il Gestore a proporre le modalità e i termini organizzativi e gestionali dei servizi, o di una sua parte.

Queste proposte e le sottoposte al giudizio del Comune entro i termini e entro i limiti che a sono previsti dal Statuto Comunale. In caso di approvazione la attività organizzativa e gestionale, che e le necessarie per il giusto adempimento dei servizi, e sarà portata innanzi dal Gestore tanto che so c'è.

#### **Art. 4 - Aree territoriali di competenza dei servizi**

La raccolta, dei referendum urbani e assimilati, e le obbligatorie su tutto il territorio comunale.

#### **Art. 5 - Frequenze e orari dei servizi**

La raccolta dei referendum urbani e ven fatta intanto rispettando le modalità di gestione previste dal art. 3 precedente, secondo le frequenze che a garantisce, per prima cosa, la tutela igienico-sanitaria coniugata con la efficienza, la efficacia e la economicità dei servizi, dando comunicazione ai utenti in tutte le forme più adatte.

La raccolta dei referendum e porterà questi fatti, da parte delle necessità e delle possibilità organizzative, intanto di giorno e, eventualmente, intanto di notte, anche a turno di lavoro doppi/triplo o di notte.

#### **Art. 6 - Doveri del personale**

Il personale impegnato in tutte le raccolte dei referendum al sarà riconoscibile in tutti i lavori specifici e di tessere di identificazione.

Il personale non è autorizzato a fare prelievi fuori delle aree o dai ambienti che a sono previsti con le modalità gestionali prescritte intanto al Regolamento presente.

Al personale al dovrà questi proibiti di domanda e, in ogni caso, di accettare compensi di qualsiasi natura per il compimento dei compiti ricevuti. Anche se a dipendenzia di soggetti esterni, il personale al sarà tenuto, per ciò che si può, ad osservare il Codice di Comportamento dei Dipendenti delle Amministrazioni Pubbliche, fatto con il Decreto del Ministero per le Funzioni Pubbliche del 28/11/2000.

#### **Art. 7 - Tipologie di raccolta**

In aderenza ai principi comunitari espressi dal Decreto Legislativo del 3 di Aprile del 2006, n. 152, la gestione dei referendum e le orientate a prevenzione della produzione di rifiuti e a riduzione del loro smaltimento finale per mezzo:

- dal riutilizzo, dal riutilizzo e dal riciclo;

- des altris formis di recupar par vè materie prime secondarie dai refudums;
- dal implei di materiâi recuperâts dai refudums;
- de utilizazion dai refudums tant che produtôrs di energjie.

Su la fonde de tipologjie di utence, de pussibilitât di acès e de conformazion urbanistiche des variis zonis teritoriâls e des modalitâts di racuelte, il gjestôr al met a disposizion un numar congrui di contignidôrs pes diviersis frazions di refudums urbans, che al ven integrât, dulà che al è necessari, cun contignidôrs a pierdi. In compatibilitât cu lis modalitâts di esecuzion dal servizi, che a son stabilidis dal art. 3, l'implei di contignidôrs di proprietât private al è permetût su la fonde dal art. 9 seguitîf.

Il gjestôr al podarà disponi e organizâ lis modalitâts di racuelte dai refudums, ancje, eventualmenti, par mieç di centris mobii, di racuelte cjase par cjase e di altris modalitâts, che a rindin plui clare la racuelte stesse.

Il sogjet gjestôr al è tignût a razionalizâ la racuelte dai refudums midiant il rispjet dai obietîfs seguitîfs:

- rivâ a vè economiis di ggestion;
- modulâ il strument tarifari in funzion des domandis de utence;
- evitâ che a capitin cês di degrât dal teritori e problemis igjenics;
- limitâ l'intric dal trafic veicolâr stradâl;
- simplificâ lis manovris dai mieçs mechanics che a àn il compit de racuelte;
- rispjetâ lis normis di leçs su la sigurece e su la salût dai lavoradôrs.

Il Gjestôr, in colaborazion cul Comun, al proviôt a informâ in maniere corete i utents su lis modalitâts di erogazion dal servizi par mieç de predisposizion e de distribuzion di opusculi informatîfs, de aposizion di tabelis esplicativis sui contignidôrs che a son destinâts ai refudums urbans e cun altris struments che a vegnin ritignûts idonis al implei.

### **Art. 8 - Modalitât di esecuzion des pesadis**

Dopo vè completât une tornade di racuelte, i refudums a scuegnin jessi puartâts al implant di destinazion dulà che al vignarà rilevât il cuantitatîf cjavât su, par mieç di un implant di pesadure omologât. Intal cês che, par resons organizativis, al sei necessari l'implei dal mieç midiesim par servî parzialmenti comuns diviers, si dovarà procedi ae esecuzion de pesade intermedie in mût di atribuî, cence dubis, a ogni Comun il so cuantitatîf di competence.

Il Gjestôr al proviôt a disciplinâ, cun capitolâts specifics, lis modalitâts di pesadure dai refudums di bande dai sogjets che a fasin la racuelte.

### **Art. 9 - Posizionament dai contignidôrs e lavadis**

Su la fonde dai criteris indicâts al art. 7 precedent, il Comun, dopo vè sintût il gjestôr, al determine lis modalitâts di posizionament dai contignidôrs su lis areis publichis o di public acès.

Intal cês che il posizionament al vegni fat, in acuardi cul proprietari, su areis privadis no di public acès, il Gjestôr al sarà tignût a acuisî la autorizazion formâl dal proprietari stes.

I privâts a puedin dotâsi di propriis contignidôrs, baste che a sein compatibii cul sisteme di racuelte e che a vebin la autorizazion di bande dal Gjestôr e/o intal rispjet des prescrizions che a son stadis fissadis prime.

Il Comun, sintût il Gjestôr, al determine ancjetant la frecuece de pulizie dei contignidôrs in dotazion aes struturis publichis, cul fin di evitâ la nassite di câs di degrât dal teritori e di problemis igjenics.

La pulizie dai contignidôrs che a vegnin assegnâts aes utencis al è a caric des stessis.

### **Art. 10 - Autorizazion al acès in areis privadis**

Intal câs che il posizionament dai contignidôrs, daûr dal art. 9, al vegni fat sul teren privât, i proprietaris, o in ogni câs chei che a àn titul, a son tignûts a dâ fûr la autorizazion scrite al acès e al passaç, dai mieçs e dal personâl assegnât ae racuelte, intes proprietâts privadis, nome inte misure necessarie par rivâ ai contignidôrs.

Al è compit dal Gjestôr verificâ lis cundizions di acès e di manovre intes zonis soreditis, e stabilî la ativazion eventuâl dal servizi.

Cuant che l'acès e il passaç a vegnin in cualsisei mût impedîts o ostacolâts, il gjestôr al è esonerât dal oblic de racuelte fint ae rimozion dal impediment o dal ostacul.

### **Art. 11 - Modalitât di conferiment e oblic di racuelte diferenziade**

Sul teritori comunâl i utents a àn l'oblic di conferiment dai refudums daûr des modalitâts che a son previodudis dal Regolament presint, e de relative Zonte Tecniche.

I utents a son obleâts a proviodi ae racuelte diferenziade dai refudums par dutis lis fraziions dulà che al risulte istituît il servizi.

Al è espressionemtri vietât assegnâ aes racuelteis, che a son previodudis di chest Regolament, tipologjiis di refudum diviersis di chês indicadis.

### **Art. 12 - Pulizie des stradis e disvuedament dai cestelins stradâi**

Il servizi di pulizie des stradis, che al inclût ancje la scovade, la eventuâl lavade e il disvuedament dai cestelins, al ven fat, dentri dal teritori comunâl, su lis stradis, su lis placis, su lis areis publichis, su lis stradis vicinâls, che a son classificadis di ûs public, e sui trats di stradis statâls e provinciâls dentri dal abitât, secont lis modalitâts e lis frecuencis che a vegnin stabilidis in cunvigne tra Comun e Gjestôr.

### **Art. 13 - Refudums abandonâts**

Daûr dal art. 184 come 2 letare d) dal Decret Legjislatîf dai 3 di Avrîl dal 2006, n. 152, i refudums, di cualsisei nature o provenience, che a stan su lis stradis e lis areis publichis o che a stan su lis stradis e lis areis privadis, che in ogni câs a son sogjetis a ûs public, e che a stan su lis spuinis dai cors di aghe a son classificâts tant che refudums urbans.

Intal câs che il responsabil dal abandon nol sei individuabil o nol vuela proviodi a gjavâ i refudums, il Comun, par mieç dal Gjestôr, al procêt ae rimozion e al just inviament al recupar o al smaltiment di chescj. Lis spesis relativis a vegnin fatis paiâ al responsabil intal câs che al sei stât individuât.

La ativitât di rimozion, di traspuart e di recupar-smaltiment dai refudums abandonâts e je part in plen dal servizi public di racuelte.

I proprietari e i possessôrs di animâi dumiestis a son obleâts a puartâ vie i bisugns dai propriis animâi dai marcjepîts, des stradis, des areis publichis e di public acès.

#### **Art. 14 - Pulizie dai marcjâts**

Chei che a àn la concession o che a ocupin puescj di vendite intai marcjâts al ingrues o al detai, su areis cuviertis o scuviertis, in cualsei aree publiche o di ûs public, a scuegnin mantignî il teren di lôr ocupât e la aree dintor ai parcs respetîfs libars dai refudums di ducj i gjenars, sei che a vegnin de proprie ativitât sei che a sein consequents de ativitât stesse, e a consegnâju al servizi public secont lis modalitâts stabilidis dal Regolament presint.

#### **Art. 15 - Manifestazions publichis**

I ents publics, lis associazions, i circui, i partîts, lis impresis o cualsei altri citadin o grup di citadins che a vuelin organizâ iniziativis publichis tant che fiestis, sagris, mostris marcjât, esibizions, fieris, concerti musicâi o altris manifestazions di gjenar culturâl, sportîf, folcloristic e vie indevant, ancje cence finalitât di vuadagn, a son tignûts, dopo l'ûs, a eseguî il prime pussibil la pulizie des areis ocupadis, providint ae racuelte diferenziade dai refudums che a son stâts lassâts dai aventôrs e al conferiment dai stes, daûr des modalitâts stabilidis dal Regolament presint.

La stesse disposizion si apliche ai cramârs presints intes manifestazions soreditis.

Par meti in vore ce che al è stât stabilît, il sogjet responsabil de organizazion de iniziative al proviôt ae stipule di une convenzion che e ven fate a pueste cul Gjestôr dal servizi.

La pulizie e ven fate ae ocurence e, in ogni câs, intal plui curt timp pussibil dopo la conclusion des manifestazions.

A decori dal prin di Zenâr dal 2008, al è vietât, su dut il teritori comunâl, l'implei, intes manifestazions publichis indicadis dal articul presint, des massariis monoûs (plats, vascjutis, tacis, posadis e vie indevant) che a son stadis realizadis cun materiâl no biodegradabil.

#### **Art. 16 - Refudums speciâi**

Daûr dal art. 188 dal Decret Legjislatîf n. 152 dal 2006, i produtôrs e i detentôrs dai refudums speciâi no assimilâts a son tignûts a proviodi, a proprie cure e spese, ae gjestion dai refudums stes.

I refudums speciâi assimilâts, baste che a sein inviâts al recupar efetîf e concret, a son lassâts fûr dal oblic di conferiment al servizi public di racuelte.

#### **Art. 17 - Controi e vigilance**

L'esercizi de vigilance, il compiment dai controis e la aplicazion des sanzions contempladis de normative in vore e dal Regolament presint, tant che previodût dal Regolament stes, a tocjin ai competents servizis comunâi.

Gjavant fûr la autonomie dal Comun in materie di controis e di vigilance, il Gjestôr al proviôt a segnalâ ai servizis soredits lis violazions e lis anomaliis che a vegnin cjatadis inte esecuzion dal servizi.

### **Art. 18 - Cost dal servizi**

Intai intarts de plene aplicazion dal Titul IV dal Decret Legislatîf dai 3 di Avrîl dal 2006, n. 152, la *Tarife di Igjen Ambientâl*, a cuvierture dai coscj dal servizi, e je determinade dal Comun, ma e ven aplicade e scuedude dal Gjestôr.

Lis modalitâts di aplicazion de *Tarife di Igjen Ambientâl* a son definidis cuntun disciplinâr specific.

### **Art. 19 - Norme di rinviament**

Par ce che nol è contemplât intal Regolament presint, si fâs riclam implicit aes normis contignudis intes leçs nazionâls e/o provinciâls in materie.

Il Regolament presint al anule e al abolîs il *Regolament pe discipline dai servizis di smaltiment dai refudums solits urbans* e ogni altre ordenance, delibare o disposizion comunâl in vore, se a contrastin cul midiesim.

### **Art. 20 - Normis di metude in vore**

Il Regolament presint, Part Gjenerâl e Normis Tecnichis di Metude in Vore, al è fat bot in sede di Consei Comunâl daûr dal Statût Comunâl e de discipline in vore. Inte stesse maniere, a spietin al Consei Comunâl lis modificjis de Part Gjenerâl, invezit lis Normis Tecnichis pe metude in vore a vegnin inzornadis cun deliberazion de Zonte.

## **TITUL II**

# **ASSIMILAZION PAR CUALITÂT E CUANTITÂT DAI REFUDUMS SPECIÂI NO PERICOLÔS**

### **Art. 21 - Criteris di assimilazion**

1. Daûr dal art. 184 come 2 letare b) dal Decret Legislatîf dai 3 di Avrîl dal 2006 n. 152, a son classificadis tant che refudums urbans i refudums, no pericolôs, che a vegnin dai locâi e dai lûcs destinâts a ûs diferents di chei di civîl abitazion, e che a son assimilâts ai refudums urbans par cualitât e cuantitât.

2. Il titul presint al definîs, daûr dal art. 198 come 2 letare g) dal Decret Legislatîf n. 152 dal 2006, fint ae emanazion di bande dal Stât des normis atuativis che a son previodudis dal art. 192 come 2 letare e) dal decret midiesim, lis modalitâts di assimilazion dai refudums speciâi ai refudums urbans su la fonde dai criteris di cualitât e di cuantitât.

3. La assimilazion par cualitât e cuantitât, daûr dai articui seguitîfs, e costituîs supuest essenziâl pal conferiment di refudums di provenience no domestiche al servizi public di gjestion dai refudums.

4. I refudums assimilâts, che a àn di jessi smaltîts, a son sometûts al regjim di privative par dutis lis fasis de gjestion, daûr dal art. 198 come 1 dal Decret Legislatîf n. 152 dal 2006.

5. A sono assimilabii ai refudums urbans i refudums speciâi no pericolôs che a vebin une composizion merceologjiche compagne a chê dai refudums urbans e che a àn lis carateristichis cualitativis previodudis de normative. In particolâr:

5.1. no scuegnin jessi stâts contaminâts, nancje par pôc, cun sostancis e preparâts classificâts tant che pericolôs de Directive dal Ministeri dal Ambient dai 9 di Avrîl dal 2002 e modificacions e integrazions seguitivis;

5.2. a scuegnin presentâ compatibilitât tecnologjiche e autorizative cui implants di recupar e smaltiment previodûts dal Contrat di Servizi che al ven stipulât tra il Comun e il sogjet gjestôr dal servizi stes;

5.3. no scuegnin presentâ carateristichis cualitativis incompatibii cu lis tecnicis di racuelte che a vegnin adotadis dal sogjet Gjestôr e a son previodudis dal Contrat di Servizi.

### **Art. 22 - Esclusion**

1. Cun riferiment ae classificazion indicade intal art. 184 come 3 dal Decret Legislatîf n. 152 dal 2006, a sono escludûts de assimilazion i refudums speciâi seguitîfs:

- *i refudums de ativitât agricole;*
- *i refudums che a vegnin fûr de ativitât di demolizion, di costruzion e di sgjâf;*
- *i refudums de lavorazion artesanâl, cun esclusion di chei di cjarte e di chei che a vegnin des utencis che a ocupin une superficie complessive inferiôr a metris cuadris 150;*

- *i refudums che a vegnin fûr des ativitâts comerciâls che a àn une superficie di vendite superiôr a metris cuadris 2.500;*
- *i refudums des lavorazions industriâls;*
- *i refudums che a vegnin fûr de ativitât di recupar e di smaltiment dai refudums stes, i pantans che a son prodots de potabilizazion e di altris trataments des aghis, de depurazion des aghis di scartum e dal abatiment dai fums;*
- *i machinaris e lis aparecjaduris deteriorâts e obsolets;*
- *i veicui a motôr, i rimorchis e simii che a son rots, e lis lôr parts;*
- *il combustibil che al derive dai refudums;*
- *i refudums che a derivin des ativitâts di selezion mecaniche dai refudums solits urbans.*

2. Gjavant fûr lis competencis statâls in materie di assimilazion, a sono escludûts de stesse assimilazion i refudums speciâi pericolôs.

3. Cun di plui, a son escludûts de assimilazion:

- *i bens che a durin, i refudums eletrics e eletronicis di ûs domestic, intal câs che chescj a derivin dal ritîr di bande di un esercent o di une ativitât comerciâl o di riparazion e manutenzion, e lis aparecjaduris eletrichis e eletronicis che a son rotis (i bancs frigo, lis fotocopiadoris, i regjistradôrs di casse, i computers e simii);*
- *i refudums che a vegnin fûr des ativitâts industriâls e agri-industriâls cul escluson des superficiis destinadis a jessi uficis, salis riunions, salis di aspjet, mensis, camarins, servizis igjenics, locâi destinâts ae vendite al minût e mostris;*
- *i refudums licuits cul escluson di vuelis e di gras comestibii esaurîts;*
- *i refudums un grum spuçolents (par esempi: partidis di cjar vuaste, vanzums di macelazion e vie indevant);*
- *i refudums des ativitâts sanitariis, gjavant fûr ce che al è stât stabilît de normative di setôr (Decret dal President de Republiche dai 15/7/2003, n. 254 e modificis e integrazions seguitivis);*
- *i refudums vegjetâi (cussì clamâts "Vert") che a vegnin fûr dal esercizi de ativitât professionâl di manutenzion dai zardins e dal vert ornamentâl privât;*
- *i refudums che a vegnin fûr dai quartîrs fieristics di relevance regionâl.*

### **Art. 23 - Assimilazion par cualitât e cuantitât**

A son assimilâts a chei urbans, su la fonde di un criteri cualitatîf, ducj i refudums che a vegnin elencâts daurman, intai limits de indicazion di produzion anuâl:

<b>CER</b>	<b>DESCRIZION DAL REFUDUM</b>	<b>DESTIN</b>	<b>LIMITS CUANTITATÎFS</b>
<b>15 01</b>	<b>IMBALAÇS (comprendûts i refudums urbans di imbalaç che a son ogjet di racuelle diferenziade)</b>		

15 01 01	Imbalaçs in cjarte e in carton	recupar	100 t/a
15 01 02	Imbalaçs in plastiche	recupar	25 t/a
15 01 03	Imbalaçs in len	recupar	25 t/a
15 01 04	Imbalaçs in metal	recupar	10 t/a
15 01 06	Imbalaçs in materiâi miscliçs	recupar	25 t/a
15 01 07	Imbalaçs in veri	recupar	50 t/a
<b>20</b>	<b>REFUDUMS URBANS</b>		
<b>20 01</b>	<b>FRAZIONI CHE A SON OGJET DI RACUELTE DIFERENZIATE (<i>gjavant 15 01</i>)</b>		
20 01 01	Cjarte e carton	recupar	50 t/a
20 01 02	Veri	recupar	1 t/a
20 01 08	Refudums biodegradabii di cusinis e mensis (clamâts " <i>Organic unit</i> ")	recupar	50 t/a
20 01 25	Vuelis e gras comestibii	recupar	0,5 t/a
20 01 38	Len, diferent di chel de vôs 20 01 37	recupar	50 t/a
20 01 39	Plastiche	recupar	20 t/a
20 01 40	Metal	recupar	100 t/a
<b>20 02</b>	<b>REFUDUMS PRODOTS DAI ZARDINS E DAI PARCS</b>		
20 02 01	Refudums biodegradabii (clamâts " <i>Vert</i> ")	recupar	25 t/a
<b>20 03</b>	<b>ALTRIS REFUDUMS URBANS</b>		
20 03 01	Refudums urbans no diferenziâts (clamâts " <i>Sec vanzât</i> ")	smaltiment	<ul style="list-style-type: none"> <li>• 12 t/a pes <u>utencis economichis</u></li> <li>• 25 t/a pes <u>comunitâts</u> (casermis, cjasis di polse e vie indevant)</li> </ul>
20 03 07	Refudums intrigôs	smaltiment	5 t/a

Lis carateristichis merceologjichis dai materiâi che a son ogjet de racuelte, includudis lis percentuâls massimis di impuritât ametudis, a son specificadis intes Normis Tecnichis di metude in vore al Regolament presint.

Cul fin de assimilazion i refudums classificâts tant che "*Refudums urbans no diferenziâts*" (CER 20 03 01) a scuegnin vê une composizion merceologjiche compagne a chê dai refudums urbans (*frazion secje vanzade*) o, in ogni câs, jessi constituïts di prodots e di sostancis compagns a chei elencâts daurman, a titul di esempi:

- a) unïts tant che cjarte plastificate, cjarte metalizade, cjarte adesive, sfueis di plastiche metalizâts e simii;
- b) ritais, framents e scartums di piçule dimension di:

- viminis, sâr, len e paie;
  - draps di fibre naturâl e sintetiche, peçots e jute;
  - feltris e draps no di stofe;
  - piel e simil-piel;
  - gome e caucciù;
  - moquettes, linoleum, tapeçarie, paviments e rivestiments in gjenar;
  - manufats di stuc e di zes suiâts;
  - plastiche e simii;
  - fier, paiete metaliche, fîl di fier, sponze di fier e simii;
- c) nastris abrasîfs;
- d) scartums de produzion di alimentârs in gjenar, baste che no sein licuits, tant che par esempi chei dal cafè, chei de industrie molitorie e de pastificazion, partidîs di aliments deteriorâts ançe se inscjatolâts o in ogni câs imbalâts.

Cul fin de assimilazion, i refudums classificâts tant che “*Refudums intrigôs*” (CER 20 03 07) a scuegnin vê une composizion merceologjiche compagne a chê dai refudums di provenience domestiche, cu la escluson di chei di lavorazion, e a scuegnin jessi costituîts di prodots e di sostancis compagnis a chês elencadis daurman, a titul di esempi:

- materàs;
- poltronis e divans;
- cjadreis e altris mobii in materiâi compositis;
- persianis e grabatui;
- têi plasticâts;
- tubis e casselis.

In ogni câs, a son escludûts de assimilazion i refudums intrigôs di ûs domestic che a vegnin fûr dal ritîr di bande dal esercent di une ativitât comerciâl di vendite di mobii, di components di mobilie e robe simile.

Cul fin de assimilazion, intai refudums classificâts tant che “*Vuelis e gras comestibii*” (CER 20 01 25) a son cjapâts dentri nome chei che a vegnin fûr des mensis comunâls e scolastichis, e ançe chei prodots in ocasion di sagris e di altris manifestazions publichis.

#### **Art. 24 - Normis comunis**

Il Comun, par mieç dal Gjestôr, si riserve la pussibilitât di subordenâ la erogazion dal servizi ae presentazion di une declarazion di assimilazion fate a pueste dal produtôr: cheste e à di jessi furnide, se necessari, dai rifiertis analitichis che a descrivin lis carateristichis merceologjichis dal refudum dât al servizi public e la sô conformitât a ce che al è prescrit dal Regolament presint.

In ogni câs, il Comun si riserve di verificâ, ançe par mieç dal Gjestôr, il rispjet des disposizions in materie di assimilazion di bande des utensis che a gjoldin dal servizi public di racuelte.

## **TITUL III**

### **ARTICOLAZION DAL SISTEME DI RACUELTE**

#### **Art. 25 - Sisteme di racuelte**

Il sisteme di racuelte, che il Comun di Cjampfuarmit al à adotât, si articole sui struments operatîfs seguitîfs:

- racuelte domiciliâr cjase par cjase des principâls tipologjiis di refudums in zornadis e in oraris prestabilîts;
- conferiment dai refudums, di bande de utence, intun o plui centris comunâi di racuelte, clamâts “*plaçutis ecologjichis*”;
- racuelte, par mieç di contignidôrs metûts dilunc lis stradis o li des utencis coreladis, di pilis scjariadis e medisinis scjadudis;
- racuelte domiciliâr straordenarie o a domande par categoriis particolârs di refudums.

#### **Art. 26 - Istituzion dal servizi di racuelte cjase par cjase**

Li dal Comun di Cjampfuarmit, il servizi di racuelte domiciliâr dai refudums al è stât istituît nome pes tipologjiis seguitivis:

- *veri di imbalaçs in veri*;
- *cjarte e carton*;
- *imbalaçs in plastiche plui latinis*;
- *frazion organiche umide*;
- *refudum sec vanzât*.

Il Comun, par mieç dal Gjestôr, al proviôt a meti a disposizion di dute la utence, domestiche e no domestiche, i contignidôrs necessariis pe racuelte dai refudums sorescrits. I contignidôrs assegnâts a ogni utent a son identificâts cuntun codiç specific.

I utents a àn l'oblic di doprâ i contignidôrs furnîts pe racuelte dai refudums secs vanzâts. I utents a àn, cun di plui, l'oblic di doprâ i contignidôrs pe racuelte diferenziade des altris frazionis che a son ogjet de racuelte cjase par cjase, gjavant lis eventuâls deroghis indicadis inte Zonte Tecniche al Regolament presint.

Lis utencis dai condominis a puedin stipulâ Convenziions specificichis cul Gjestôr par gjestî in forme comune une o plui racuelteis.

Lis carateristichis dai refudums, chês dai contignidôrs, lis frecuencis di racuelte e lis altris modalitâts di esecuzion dal servizi a son specificadis inte Zonte Tecniche al Regolament presint.

## Art. 27 - Centris di racuelte

I centris di racuelte comunâi, clamâts ancje “*plaçutis ecologjichis*”, a son areis ben furnidis e custodidis che a vegnin destinadis ae racuelte dai refudums, urbans e assimilâts, ricevûts diretementi dai utents dal servizi.

Il personâl assegnât ae custodie al è obleât a controlâ il possès dai requisîts di bande dai sogjets che a consegnin i lôr refudums intal mût definît dal art. 1 come 2; il stes al podarà registrâ i dâts dai utents che a gjoldin dal servizi.

Li de *plaçute ecologjiche* no ven permetude nissune operazion di tratament dai refudums, cun la ecezion de riduzion di volum che e je fate par mieç di un *press-container* scjarezabil.

La *plaçute ecologjiche* e je destinade, prime di dut, ae racuelte diferenziade des frazions dal refudum che nol à volum o composizion merceologjiche adats al conferiment par mieç di servizis di racuelte cjase par cjase.

L'acès ae *plaçute ecologjiche* al scuen jessi fat cu lis modalitâts che a puedin sigurâ il control sul conferiment coret di bande de utence. Al è permetût l'acès intal stes timp di un numar controlabil di utents.

I oraris di viertidure al public a scuegnin garantî une fruizion adeguade di bande de utence.

Al è ametût il conferiment des frazions, che a son ogjet de racuelte diferenziade, “*Cjarte e carton*”, “*Imbalaçs in plastiche e latinis*” e “*Veri*” intai limits des dotazions di racuelte presints li des *plaçutis ecologjichis*.

Il conferiment des frazions “*Organic umit*” e “*Sec vanzât*” al e permetût nome in vie ocasionâl e par necessitâts motivadis di bande dal utent.

## **TITUL IV**

### **COMPOSTAÇ DOMESTIC**

#### **Art. 28 - Discipline dal compostaç domestic**

Il compostaç domestic de frazion organiche dai refudums urbans al è permetût nome intal rispjet des disposizions indicadis inte Zonte Tecniche al Regolament presint.

Lis utencis che, in grazie de pratiche dal compostaç domestic, a si zovin di riduzions eventuâls des tarifis no puedin gjoldi dal servizi di racuelte de frazion organiche umide.

# TITUL V

## SANZIONS

### **Art. 29 - Violazions des disposizions stabilidis dal Decret Legislatîf n. 152 dal 2006**

Ducj chei che, in violazion dai diviêts stabilîts dai articui 192, comis 1 e 2, 226, come 2, e 231, comis 1 e 2, dal Decret Legislatîf dai 3 di Avrîl dal 2006, n. 152, a lassin o a depositin refudums, o ben che ju butin intes aghis superficiâls o soteraniis, a son punîts cu la sanzion aministrative pecuniarie **di € 105,00 a € 620,00**. Se l'abandon di refudums sul teren al rivuarde refudums no pericolôs e no intrigôs, si apliche la sanzion aministrative pecuniarie **di € 25,00 a € 155,00**.

Intai confronts di ducj chei che a no rispjetin lis Ordenancis dal Sindic, che a son emetudis daûr dal art. 192 come 3, dal Decret Legislatîf dai 3 di Avrîl dal 2006, n. 152, si aplichin lis penis e lis amendis previodudis daûr dal Decret Legislatîf n. 152 dal 2006 soredit.

Intai confronts dai titolârs dai Ents e des impresis che a fasin il smaltiment dai refudums cence autorizazion o cence osservâ lis prescrizions previodudis, si aplichin lis penis e lis amendis che a son stabilidis dal art. 256 dal Decret Legislatîf n. 152 dal 2006.

### **Art. 30 - Violazions al Regolament Comunâl pe gjestion dai refudums urbans**

Lis violazions al Regolament presint, dulà che no si concretizin ipotesis di altri ilecit perseguibil penalmentri, a son punidis cu lis sanzions aministrativis e pecuniariis a norme di Leç.

Aes ativitâts di aciertament e di assegnazion des sanzions aministrativis soreditis, si aplichin lis disposizions indicadis al Cjâf I de Leç dai 24 di Novembar dal 1981, n. 689.

In câs di violazion ai oblics e aes prescrizions, che a son previodûts daûr dal Regolament presint, e vignarà dade une sanzion aministrative pecuniarie inte misure elencade achì sot:

- a) conferiment di refudums urbans e assimilâts, intrigôs e/o speciâi intun font limitrofesterni vicinant ae *Plaçute Ecologjiche Comunâl*, **di € 25,00 a € 155,00** se non pericolôs e no intrigôs – **di € 50,00 a € 300,00** se pericolôs o intrigôs;
- b) violazion des prescrizions e des modalitâts di conferiment dai refudums urbans e/o assimilâts al sisteme di racuelte cjase par cjase, tant che indicât inte Zonte Tecniche al Regolament (par esempi: conferiment in dîs e oraris diferents di chei za stabilîts; mancjât implei dai contignidôrs a pierdi idonis; conferiment di une tipologjie di refudums no consintude; implei impropri dai sacuts che a son destinâts ae racuelte; e vie indevant), **di € 15,00 a € 60,00**;
- c) violazion des prescrizions e des modalitâts di conferiment dai refudums urbans e/o assimilâts li des *plaçutis ecologjichis*, tant che indicât inte Zonte Tecniche al Regolament (par esempi: conferiment di tipologjie di refudums no permetûts, conferiment no diferenziât, dipuesit alesterni dai contignidôrs e vie indevant), **di € 15,00 a € 60,00**;
- d) violazion des prescrizions e des modalitâts di conferiment dai refudums urbans e/o assimilâts intal câs di manifestazions publichis, **di € 25,00 a € 155,00**;

- e) rispiet mancjât dal oblic di fâ la racuelte diferenziade, tant che stabilît dal art. 11 precedent, **di € 15,00 a € 60,00;**
- f) cernite, sbisiade e/o asportazion dai refudums che a son stâts afidâts al servizi public di racuelte, **di € 25,00 a € 155,00;**
- g) conferiment al servizi public di racuelte di refudums speciâi e no assimilâts: **di € 25,00 a € 155,00** se no pericolôs, e **di € 100,00 a € 600,00** intal câs di refudums pericolôs;
- h) rilassament su teren public di cjartis, di biliets, di bussui, di butiliis o di altris refudums urbans, **di € 15,00 a € 60,00;**
- i) pulizie mancjade dal teren public dai refudums urbans e/o assimilâts che a vegnin fûr des operazions di caric e di scaric, **di € 25,00 a € 155,00;**
- j) pulizie mancjade des areis scuiertis publichis e privadis che a son stadis dopradis par manifestazions publichis o par marcjâts, **di € 25,00 a € 155,00;**
- k) rispiet mancjât dal diviêt di implei di massariis a pierdi, che no son biodegradabilis, intal cors di manifestazions publichis, **di € 100,00 a € 600,00**
- l) pulizie mancjade dai refudums urbans, assimilâts o speciâi des areis publichis che a son ocupadis dai cantîrs o a son dadis in concession, **di € 25,00 a € 155,00**
- m) racuelte mancjade, di bande dal proprietari/possessôr, dai bisugns dai animâi dumiestis in areis publichis o di public acès, **di € 15,00 a € 60,00;**
- n) implei impropri dai cestelins stradâi pal conferiment di refudums domesticis o assimilâts, **di € 25,00 a € 155,00;**
- o) conferiment di refudums al servizi public di racuelte di bande di sogjets che no àn titul par fâlu, **di € 25,00 a € 155,00.**

Gjavant la aplicazion des sanzions amministrativis, eventuâls cjamis zontadis pe selezion/smaltiment dai refudums, che a son stadis dadis in maniere diferente aes disposizions stabilidis dal Regolament presint, a vignaran assegnadis al responsabil dal conferiment sbaliât.

## **TITUL VI**

### **DISPOSIZIONS TRANSITORIIS E FINÂLS**

#### **Art. 31 - Publicitât dal Regolament e dai ats**

Une copie dal Regolament presint e vignarà tignude simpri a disposizion dal public, che al podarà consultâle in cualsei moment.

#### **Art. 32 - Jentrade in vore dal Regolament**

Il Regolament presint al jentrarà in vore daûr dal art. 51 dal Statût Comunâl: vâl a dî dal moment de esecutivitât de deliberazion di sô aprovazion.

A partî de date di jentrade in vore dal Regolament presint si intindin abrogadis dutis lis precedentis disposizions comunâls che a son in contrast cun ce che al ven disciplinât dal soreddit Regolament .